



STINAPA TA INFORMA

KIKO TA.....
ESPESIENAN DI INVASHON, MENASÁ, PELIGRÁ I
DESAPARESÍ?

Di dos artíkulo tokante eradikashon di espesienan eksótiko i kontrol den Parke Nashonal Washington Slagbaai (PNWS).

-Di invashon: Manera nos a mensioná den e artíkulo anterior, un espesie di invashon (esta ku ta invadí un área) por tin un impakto negativo den sierto poblashonnan lokal. Tin biaha asta te na e punto ku e ta laga sierto forma di bida krioyo desaparese kompletamente. Boneiru ku su skarsedat di kuminda i awa dushi, su temperatura haltu, i bientu ku grado di salu hopi haltu ta un bon ehèmpel di un medioambiente kaminda kompetensha pa rekursionan natural ta haltu. I e balanse ekológiko entre espesienan ta hopi frágil. Huntu ku tur e faktornan aki nos ta pone e superfisie chikitu di nos isla. I nos tin un sistema ekológiko kaminda por ripará e daño kousa dor di espesienan di invashon hopi fásil. E palu di nim i e palu di lechi ta ehèmpel di un espesie di invashon na Boneiru.

-Menasá: Esaki ta referí na desaparishon. Ora un poblashon di mata òf animal ta rondoná dor di sierto faktor òf kondishon ku tin impakto negativo riba nan, i no ta hasi nada pa kontrarestá e kondishonnan aki, nos por bisá ku e espesie aki ta menasá. E karko ta un bon ehèmpel di esaki.

-Peligrá: Esaki ta un paso mas serka di desaparishon ku menasá. Den e kaso aki nos por papia tokante e kantidat di individuo di un poblashon ku ta bahando konstantemente pa motibu di sierto kousa. Por ta ku e kantidat di yu ku ta nase ta ménos ku e kantidat di individuo ku ta muri tur aña, òf ku e habitat kaminda e espesie aki ta biba ta ser destruí. Algun espesie di bayena ta ehèmpel di espesienan peligrá.

-Desaparesé: Esaki ta fásil : Desaparesé PA SEMPER. No por tres'é bek. For di siglo 16 hopi espesie di animal i mata a desaparese dor di aktonan di e ser humano. Esnan mas famá ta e Dodo (un para ku tabata eksistí solamente riba e isla Mauritius) i e tiger Tasmanian. *Skirbi pa Fernando Simal, tradusí pa Marcel Nahr.*

Pa mas informashon i reakshon: STINAPA, telefon 717 - 8444, info@stinapa.org

NOS TA BIBA DI NATURELESA



Traha huntu na un desaroyo duradero pa Boneiru